

Waldorfskólinn Sólstafir

Sóltúni 6 104 Reykjavík
sími: 5771110

solstafir@waldorf.is

Áætlun um öryggi og heilbrigði í Waldorf leik og grunnskólanum Sólstöfum



Áhætta í skólastarfinu

Í skólastarfi Waldorf grunn og leikskólans Sólstafa fer fram fjölbreytt nám og starf. Frjáls leikur, bóknám, verk og listnám hefur sinn sess innan skólans og er vinnuumhverfi skólans margvíslegt.

Nemendur eru á aldrinum 18 mánaða til 16 ára og koma hvaðanæva að af höfuðborgarsvæðinu. Starfsmenn og kennarar skólans hafa ýmisskonar starfsreynslu og menntun.

Starfsaðstaða í skólanum kallar á ýmislegt öryggiseftirlit, t.d. í eldhúsi og matsal skólans og við ræstingar. Verklegr vinna nemenda fer einnig fram í skólastofum þar sem ennþá er ekki komið rými sér útbúið fyrir handverkskennslu innan skólans. Eftirlit þarf með verkfærum og ýmsum efnum sem notuð eru daglega í vinnuumhverfinu. Eftirlit þarf með útisvæðum skólans og leiktækjum.

Áætlun um forvarnir

Áhættumat fyrir skólann hefur verið unnið og er það gert með tilliti til öryggis nemenda og starfsfólks, heilsu þeirra og áhættuþátta í daglegu umhverfi. Áhættumatið er uppfært tvisvar yfir veturinn, ef að með þarf og einu sinni að hausti við skólabyrjun grunnskólans.

Þættir í áhættumati eru skoðaðir og metið er hversu mikil áhættan er og hvað er hægt að gera til að draga úr henni og viðhalda því öryggisstigi.

Öryggisnefnd skólans, sem kosin er til tveggja ára situr eitt námskeið um öryggi á vinnustað og sér um að skrá þær aðgerðir sem vinna á til að bæta heilsu og öryggi nemenda og starfsfólks beggja skólastiga Waldorfskólans.

Hún hvetur jafnframt starfsfólk beggja skólastiga til að gæta að því sem má betur fara varðandi öryggi, heilsu og vellíðan í starfi, vera meðvituð og skoðar hvaða þætti má bæta og efla til að gera vinnustaðinn sem mest heilsueflandi. Waldorfskólinn starfar í valddreifð og eru kennarar og starfsfólk samábyrg í þessu forvarnarstarfi og hvattir til að koma með tillögur að úrbótum en jafnframt starfar öryggisvörður á vinnustaðnum sem er skipaður er af stjórnendum skólans, til tveggja ára í senn. Hann er jafnframt húsvörður skólans.

Framkvæmd og skráning

Niðurstöður áhættumats eru færðar inn í „skráningar og aðgerðaráætlun“. Þar eru skráðir þeir áhættuþættir sem þarf að taka til skoðunar og þær aðgerðir sem grípa á til við að draga úr hættu í vinnuumhverfinu, þar sem við á. Öryggisnefnd sér um að skrá aðgerðaráætlun og fylgir því eftir að skráð sé verklok og að verkefnum sé fylgt eftir.

Skólinn býr yfir ýmsum verkferlum og úrræðum til að auka og vernda heilsu og öryggi nemenda og starfsfólks og eru ýmsar áætlanir og stefnur þess að lútandi birtar á heimasíðu skólans; s.s. áfallaáætlun, eineltisáætlun, jafnréttisáætlun, símenntunaráætlun og starfsmannastefna auk nýrrar forvarnar og lífsleikniáætlunar sem er í vinnslu.

Sjá heimasíðu skólans: solstafir@waldorf.is.

Ábyrgðaraðilar

Stjórn Waldorfleik og grunnskólans Sólstafa er ábyrg fyrir því að öryggisnefnd starfi, öryggis og heilbrigðisáætlun stofnunarinnar sé uppfærð reglulega, áhættumati sé framfylgt og að tilnefndir öryggisaðilar séu kosnir og að tilnefning þeirra sé tilkynnt Vinnueftirliti.